



МИЛЛИЙ ТИКЛАНИШ

18 (1016) ● 2019 йил 8 май, чоршанба ● Ўзбекистон "Миллий тикланиш" демократик партиясининг ижтимоий-сиёсий газетаси
ЎзМТДП — www.mt.uz Тахририят — www.milliytiklanish.uz 1995 йил 10 июндан чиқа бошлаган

ЭРТАНГИ КУНГА МАСЪУЛИЯТ ВА ЖАВОБГАРЛИК ҲИССИ БИЛАН ЯШАШ, ХАЛҚИМИЗГА САДОҚАТ БИЛАН ХИЗМАТ ҚИЛИШ – ОЛИЙ БУРЧИМИЗ

Ўзбекистон Республикаси Президенти Шавкат Мирзиёев ҳудудларни ижтимоий-иқтисодий ривожлантириш бўйича ислохотларнинг бориши, амалга оширилган йирик лойиҳалар ва аввал берилган топшириқлар ижроси билан танишиш мақсадида 6-7 май кунлари Фарғона вилоятида бўлди.

Давлатимиз раҳбарининг вилоятларга ташрифи чоғида ўша ҳудуднинг ўзига хос хусусиятларидан келиб чиқиб, ижтимоий-иқтисодий соҳаларни ривожлантириш, одамларнинг ҳаётдан рози бўлиб яшаши учун алоҳида-алоҳида режалар қилиш аниқланадиган бўлди. Фарғона вилоятига ташриф ҳам шундай бўлди.

Шавкат Мирзиёев 6 май кунлари вилоятдаги йирик лойиҳалар билан танишар экан, тўғридан-тўғри

хорижий инвестицияларни жалб этиш ҳисобидан туманларга сановатни олиб кириш, бандликни таъминлаш, хотин-қизлар ва ёшлар манфаатларини рўйбга чиқариш масалаларига алоҳида эътибор қаратди. Худудда ўтган бир йилда эришилган натижалар чуқур таҳлил қилиниб, келаси йилга мўлжалланган вазифалар муҳофама этилди. Дунё бозорига чиқиш учун рақобатбардош бўлиш, сановат ўртача ривожланган туманларда экспортбop маҳсулотлар ишлаб чиқаришни йўлга қўйиш, энг асосийси, вилоят иқтисодиётига сармоя, технология ва инновацияларни жалб этиш бўйича тегишли йўналишлар белгиланди.

Ташрифнинг иккинчи кунлари Фарғона шаҳрида вилоят фаоллари, вазирлик ва идоралар раҳбарлари, нурунийлар, тадбиркорлар иштирокида йиғилиш бўлиб ўтди.

Президентимиз Шавкат Мирзиёев сўзининг

аввалида йиғилганларни, бутун халқимизни Рамазон ойи ҳамда яқинлашиб келаётган Хотира ва қадрлаш кунлари билан табриклади.

2018 йили Фарғона вилоятида сановат 8 фоиз, хизмат кўрсатиш 9 фоиз, ўзлаштирилган инвестициялар 1,5 баробар ўсган. Лекин аҳоли жон бошига тўғри келадиган ялпи ҳудудий маҳсулот республика кўрсаткичидан анча пастлиги, Қўштепа, Фурқат, Олтиариқ, Фарғона, Езёвон туманларида сановат ривожланмагани қайд этилди.

Шу боис вилоятни 2019-2020 йилларда ривожлантириш бўйича умумий қиймати 26 триллион 401 миллиард сўмлик 643 та лойиҳадан иборат янги ҳудудий инвестиция дастури ишлаб чиқилган. Мазкур дастур доирасида 2,5 миллиард доллар тўғридан-тўғри хорижий инвестиция ўзлаштирилади ва 31 мингдан зиёд иш ўрни яратилади.

2-бет →

Муносабат

ДУНЁ ЎЗБЕКИСТОННИ ЯНГИДАН КАШФ ЭТМОҚДА

"Тарихий ва маданий меросимиз, олдимизда турган мақсад ва вазифаларнинг ўхшашлиги ҳамда интилишларимиз муштараклиги келажакка катта ишонч билан қарашга имкон беради. Халқларимиз биргаликдаги саяёҳ-ҳаракатларимизнинг ижобий натижаларини албатта сезишлари керак".

Давлатимиз раҳбари Шавкат Мирзиёевнинг 24-27 апрель кунлари Хитойда бўлиб ўтган "Бир макон, бир йўл" иккинчи халқаро форумида айтган бу сўзлари давлатимиз ҳамisha кучли инсонпарварлик сиёсати, мустақкам дўстлик тарафдори бўлганини яна бир бор яққол ифодалади. Бу, таъбир жоиз бўлса, минтақа муаммоларига биргаликда ечим топиш ва унинг маҳсулидан бирга баҳраманд бўлишдек яна бир юксак бағрикенглик ташаббуси, шак-шубҳасиз, чин дўст мамлакатнинг позициясидир.

Аслида ҳам халқаро ва минтақавий ўзаро боғлиқлик масалалари Марказий Осиё, жумладан, денгиз портларига бевосита чиқиш имконияти бўлмаган мамлакатимиз учун ҳамisha долзарб бўлиб келгани боис ҳам давлатимиз раҳбари минтақа мамлакатларининг барқарор тараққиётида муҳим омил бўладиган "Бир макон, бир йўл" ташаббусини илк кунларданок фаол қўллаб-қувватлаб келмоқда. Хитой Халқ Республикаси Раиси Си Цзиньпин Ўзбекистонни "Бир макон, бир йўл"нинг асосчиларидан бири сифатида баҳолаши, Президентимизнинг ушбу лойиҳани ривожлантиришдаги ташаббуслари нафақат икки давлат ўртасидаги ўзаро алоқаларни, балки минтақавий муносабатларни ҳам янада кенгайтиришга хизмат қилаётганини таъкидлагани ҳам бунинг яққол исботидир.

2-бет →

Фракция фаолияти

УЙ-ЖОЙ МУЛҚДОРЛАРИ ШИРКАТИ

фаолияти тартибга солинади



Олий Мажлис Қонунчилик палатасидаги Ўзбекистон "Миллий тикланиш" демократик партияси фракциясининг йиғилиши бўлиб ўтди. Унда депутатлар мамлакат ижтимоий-сиёсий, социал-иқтисодий ҳаётининг турли соҳаларида амалга оширилаётган ислохотларни ҳуқуқий жиҳатдан таъминлашга қаратилган бир қатор қонун лойиҳаларини муҳофиз қилдилар.

Йиғилишда дастлаб "Ўзбекистон Республикаси Ҳисоб палатаси тўғрисида"ги қонун лойиҳаси кўриб чиқилди.

3-бет →

Депутат таклиф қилади

ТОШКЕНТНИНГ ЎН ИККИ ДАРВОЗАСИ

уларни тиклаш вақти келди

2200 йиллик тарихга эга Тошкент кўҳна маданият ўчоқларидан бири ҳисобланади. Буюк ипак йўли марказларидан бирида жойлашган шаҳарга тўхтовсиз карвонлар келиб-кейтиб турган ва бу йирик бозорлар қурилиши, хунармандчиликнинг ривожланиши ҳамда шаҳарсозлик аниқланишининг пайдо бўлишига сабаб бўлган.

Тошкент кўллаб босқинчиликларни бошидан кечиргани тарихдан маълум. Шу сабаб шаҳар аҳолиси доимо ташқи душмандан ҳимояланиш чораларини кўрган. Шаҳар атрофида мустақкам мудофаа истеҳкоми — деворлар қурилган. Албатта, девор бўлгандан кейин унинг дарвозалари ҳам бўлган. Жумладан, Тошкент мудофаа деворининг 12 дарвозаси (Тахтапул, Лабзак, Қашқар, Қўқон, Қўймас, Бешёғоч, Камолон, Самарқанд, Кўкча, Чигатой, Сағбон, Қорасарой) ва икки қоғқаси (яъни 1 нафар отлик кириб чиқадиган туйнучаси) бўлган.

Соҳибқирон Амир Темури даврида дарвозалар масъуллиги шу яқин атрофда яшайдиган маҳалла зиммасига юклатилган. Шунинг учун айрим дарвозалар маҳалла номи билан аталган бўлса, бошқалари йўналишларга қараб номланган. Масалан, шаҳарнинг Фарғона водийсига қараган томондан қурилган дарвоза Қўқон, ғарб томонидаги дарвоза эса Самарқанд деб аталган. Ҳар бир дарвозанинг калити бўлган.

4-бет →

Эхтиром

ҚАЛБЛАРДАГИ ШУҚР ЖИЛВАСИ

Йиллар, асрлар ўтади, бироқ одамларнинг дарду ташвишлари билан яшаган инсоннинг хизматларини эл-юрт ҳеч қачон унутмайди. Халқимизга хос бу эзгу фазилат 9 май — Хотира ва қадрлаш кунлари байрамида янада яққол намоён бўлади. Бу байрам бизга тинчлик неъматини қадрини, мустақиллик тушунчаси мазмун-моҳиятини ҳамisha эслатиб туради.

Президентимизнинг шу йил 23 апрелда қабул қилинган "Хотира ва қадрлаш кунига тайёргарлик кўриш ва уни ўтказиш чора-тадбирлари тўғрисида"ги қарори жамиятда ажодларимизга эҳтиром уйғотиш, инсон номини улуғлаш ва қадрлаш каби эзгу аниқланишларни мустақкам қарор топтиришга қаратилган.

Мазкур қарорда Иккинчи жаҳон урушининг ҳар бир қатнашчисига, фронт орти меҳнат фахрийларига, мустақиллик йилларида хизмат бурчини бажариш чоғида ҳалок бўлган ҳарбий хизматчилар ва ҳуқуқни муҳофаза қилиш органлари ходимларининг оила аъзоларига моддий ва маънавий ёрдам кўрсатиш белгиланган.

4-бет →



9 май — Хотира ва қадрлаш кунлари

"ДЎСТЛАРИНГ КЎТАРГАН БИР ТОБУТДА ЁТ..."

Очуннинг исталган нуқтасига элтувчи журғофий хариталар борлигига шубҳа қилмайман. Аммо инсонийликка, виждонийликка олиб борадиган жаридалар анқонинг уруғи экани рост. Балки бу йўл ўз соҳибини ҳар лаҳза хатар ичида қолдирар, азоблар, аммо бани одам мақомига шундан ўзга йўл йўқдек...

Йўл бўйи хаёлчан кетдим. Уловимиз "зувиллаб" кўҳна Марғилон кўчалари узра мени қаҳрамон ҳузурига бошлаб борарди. Биринчи келишимиз эмасми, ҳайдовчи бошини машина ойнасидан чиқариб, уч-тўрт кўйни хивичлаб кетаётган боладан йўл сўрайди.

Бола ютоқиб тушунтиради. Манзилни осон топганимиздан кўнглим ёришиб кетди. Кўп қаватли уйнинг киришида — пештахта қаршида тек туриб қолдим:

"Бу хонадонда Ватанимизнинг қаҳрамон фарзанди Ғаниев Бобуржон Абдулхамидович яшаган".

6-бет →

ЭРТАНГИ КУНГА МАСЪУЛИЯТ ВА ЖАВОБГАРЛИК ҲИССИ БИЛАН ЯШАШ, ХАЛҚИМИЗГА САДОҚАТ БИЛАН ХИЗМАТ ҚИЛИШ – ОЛИЙ БУРЧИМИЗ

«**Давоми.**
Бошланиши 1-бетда.

Масалан, Бешариқ туманида "Фаргона Ясин қурилиш моллари" корхонасида 200 миллион долларлик лойиҳа амалга оширилиб, жорий йилда 800 минг тонна ва кейинги йилдан 1,2 миллион тонна цемент ишлаб чиқариш йўлга қўйилади. Қўқон шаҳрида "Индорамма" компаниясининг 70 миллион доллар тўғридан-тўғри сармоёси ҳисобидан Қўқон суперфосфат заводи модернизация қилиниб, фосфорли ўғит ишлаб чиқариш қуввати 100 минг тоннадан 375 минг тоннага етказилади. Учкўприк туманидаги "Шаффоф омадли саноат" корхонасида жами 30 миллион доллар сармоё ҳисобидан автомобиллар учун йилига 350 минг дона газ баллон, 2020 йилдан юк кўтарувчи электр каралар, мини-тракторлар ва қишлоқ хўжалиги техникаси учун ускуналар ишлаб чиқариш ўзлаштирилади.

Давлатимиз раҳбари мутасаддиларга дастурдаги ҳар бир лойиҳани амалга ошириш бўйича тармоқ жавдалларини тасдиқлаб, ижросини таъминлаш юзасидан топшириқлар берди.

Фаргона вилоятига инвестиция олиб келиш, саноат ва тадбиркорликни ривожлан-

тириш бўйича бир йил фавқулодда сафарбарлик эълон қиламиз. Ана шунда ўзгариш бўлади. Келаси йил май ойида ҳокимликлар, барча вазириликлар қилинган ишлар ҳақида ҳисобот беради, деди Шавкат Мирзиёев.

Президентимиз йўғилишда аҳолини иш билан таъминлаш, даромадларини ошириш масалаларига алоҳида эътибор қаратди. "Ҳар бир оила — тадбиркор" дастури доирасида ўз бизнесини бошламоқчи бўлган оилаларни аниқлаб, икки-уч ой ичида уларга белгиланган миқдордаги имтиёзли кредитларни тўлиқ ажратиш зарурлигини таъкидлади.

Фаргона — моҳир хунармандлар, уста деҳқонлар юрти. Бу ернинг кўнчилиги, боғдорчилик анъаналари — тайёр бренд. Бундан фойдаланиб, вилоятда чарм ва пойабзал маҳсулотлари ишлаб чиқариш бўйича кўшимча лойиҳаларни амалга ошириш, шунингдек, "Чарм-атторлик маркази" ташкил этиш бўйича топшириқлар берилди.

Келгуси икки йилда Олтиариқ туманида 3 минг гектар майдонда узумчилик, Кува туманида 2 минг гектарда анорчилик, Қувасой шаҳрида 2 минг гектар майдонда гилосчилик кластерлари ташкил этилиши маълум қилинди. Ушбу кластерлар ўзлари мева етиштириш билан бирга аҳолидан ҳам сотиб олади.

Бунинг учун хонадонларга 15 миллион туп ток, 10 миллион туп гилос ва 5 миллион туп анор кўчатлари етказиб берилади. Бу ҳам аҳоли даромадларини, ҳам вилоят экспорт салоҳиятини оширади.

Ҳар йилларда Олтиариқ туманини тўлиқ узум етиштиришга ихтисослаштириш, илмий-тадқиқот институтлари ва Тошкент давлат аграр университети олимларининг тавсиялари асосида боғ ва ток қатор ораларида бозорбоп сабзавотлар етиштириш режалаштирилгани таъкидланди.

Вилоятда жорий йилда "Обод қишлоқ" ва "Обод маҳалла" дастурлари доирасида 45 та қишлоқ ва 15 та шаҳар маҳалласида 8 мингта ҳовли-жой, 327 та кўп қаватли уй, юзлаб километр йўллар, ичимлик сув ва электр тармоқлари, ижтимоий соҳа объектларида 326 миллиард сўмлик таъмирлаш-тиклаш ишлари амалга оширилади. Натижада 212 минг аҳолининг турмуш шароити яхшиланади.

Фаргона, Қўқон, Қувасой ва Марғилон шаҳарларида 14 та кўп қаватли арзон уй, 145 та кўп қаватли тижорат уйлари, қишлоқ жойларда намунавий лойиҳалар асосида 252 та якка тартибдаги ва 54 та кўп қаватли арзон уй-жой барпо этилади.

Йўғилишда ёшлар масалаларига ҳам эъти-

бор қаратилди. Вилоятда 7 ёшдан 30 ёшгача бўлган ёшлар сони 970 минг бўлиб, улар билан ишлаш масаласи ҳар доим диққат-эътибор марказида бўлиши қайд этилди. Шунинг билан олиб, ёшлар билан ишлаш бўйича "Фаргона тажрибаси"ни яратиш юзасидан аниқ чора-тадбирлар ишлаб чиқилгани таъкидланди.

Жорий йилда 46 минг нафар ёшнинг бандлигини таъминлаш бўйича манзилли чора-тадбирлар шакллантирилган. "Ёшлар — келажакимиз" Давлат дастурига мувофиқ, 208 миллиард сўм имтиёзли кредит ажратиш орқали 867 та лойиҳани амалга ошириш ва 7 минг иш ўрни ташкил этиш белгиланган.

Президентимиз бешта муҳим ташаббус бўйича Фаргона вилоятида ҳам муайян ишлар қилинаётгани, уларнинг ижроси ҳар бир ҳокимлик ва вазириликнинг асосий вазифасига айланиши кераклигини таъкидлади.

Бешта муҳим ташаббус — янги сиёсатимиз. Уларни амалга ошириш бўйича Бўка тумани намуна сифатида танлаб олинди. Ҳар бир туман ҳокими бешта ташаббусни жорий этиш бўйича йил якунида ҳисобот беради. Бешта ташаббус ижроси доирасидаги ҳамма ишлар мактаб атрофида мужассам бўлиши керак. Улардаги спорт заллари, клублар болаларга

берилиши, ёшларимиз бу ерга келиб спорт билан шуғулланиши, китоб ўқиши, ахборот технологияларини ўрганиши, баркамол бўлиб улгайиши лозим. Иқтисодий қандай ривожланса, бешта ташаббус доирасидаги ишларга ҳам шундай эътибор қаратсак жамиятимизда муҳит ўзгаради, одамларимизда ҳаётга ишонч ортади. Бу баландпарвоз гаплар эмас ҳаёт-мамотимиз, деди Шавкат Мирзиёев.

Очиқ мулоқот тарзида ўтган йўғилишда сўзга чиққанлар Президентимиз бошчилигида барча соҳаларда амалга оширилаётган изчил ислохотлар ҳудудлар ҳаётида ҳам аксини топаётгани, бундан аввало одамлар рози бўлаётганини таъкидлади. Шу билан бирга, айрим масалалар бўйича мавжуд муаммолар ўртага ташланди. Давлатимиз раҳбари кўтарилган ҳар бир муаммони жойида ҳал этиш бўйича мутасаддиларга тегишли кўрсатмалар берди.

Шу билан Президентимизнинг Фаргона вилоятига ташрифи якунланди.

Матназар ЭЛМУРОДОВ,
Масъуджон СУЛАЙМОНОВ,
ЎЗА махсус мухбирлари

/// Муносабат

ДУНЁ ЎЗБЕКИСТОННИ ЯНГИДАН КАШФ ЭТМОҚДА

«**Давоми.** Бошланиши 1-бетда.


Президентимиз Марказий Осиёнинг транспорт ва логистика имкониятларини ошириш, "яшил иқтисодиёт" орқали озиқ-овқат хавфсизлигига эришиш, туризмни ривожлантириш, экологик муаммоларни биргаликда бартараф этиш ва бошқа долзарб масалалар бўйича қатор ташаббусларни илгари сурдики, буларнинг барчаси мамлакатимизнинг барқарор кучли иқтисодиётга — ривожланган давлатлар қаторига чиқишига хизмат қилади.

Тошкент — Андижон — Ўш — Ирқистом — Қошғар автомобиль йўли, Ўзбекистон — Қирғизистон — Хитой ва Мозори Шариф — Қобул — Пешовар темир йўли лойиҳалари катта истиқболлар очиб, шубҳасиз. Бу борада, давлатимиз раҳбари мазкур форумда таъкидлаганидек, Сарик денгиз портлари — Марказий Осиё — Европа йўналиши бўйлаб темир йўлда юк ташишга бир хил тариф ўрнатиш ҳам иқтисодий жиҳатдан мақсадга мувофиқдир.

Мамлакатимиз раҳбари асос солган яна бир ноёб-тарихий лойиҳа — Орол денгизининг қақраган ҳудудда бостириб келаётган саҳрони тўхтатиш мақсадида жорий йилнинг ўзида 500 минг гектар ашиқ "қалқон"лар барпо этилгани нафақат бийдай кумликларни чирмаб турган ўлик сукунатни уйғотиб юборди, балки "аср фожияси"га қарши кураш тўлиқни бугун дунё бўйлаб чуқур акс-садо бермоқда. Оролбўйига яна қайноқ ҳаёт завқини қайтариш, қуш учса қаноти, одам юрса оёғи куядиган бийдай саҳролар ўрнида ям-яшил ўрмонлар, чўл одамларининг ўз ҳаётидан рози бўлиб яшаши учун барча ҳаётий асосни барпо қилиш ташаббуси — халқаро миқёсда ҳам юксак инсонларварлик ҳаракати сифатида эътироф қилинаётгани бежиз эмас. Ахир Оролнинг қуриган тубидан кўтарилаётган чанг ва туз олис минтақа давлатлари ва халқлари ҳаётига ҳам салбий таъсир кўрсатаётгани ҳам бор гап. Шу боис давлатимиз раҳбари "Бир макон, бир йўл" халқаро форумида Орол денгизи қуриши оқибатида юзага келган экологик вазиятни бартараф этиш умумий вазифа эканини таъкидлар экан, шерикларни БМТнинг Оролбўйи минтақаси учун Траст фонди ҳамда Оролбўйи ҳудудда экологик инновациялар ва технологиялар зонаси фаолиятида иштирок этишга чақирди.

Туризм соҳасида алмашинувларни ривожлантириш, бунинг учун "Ипак йўли" бренди остида қўшма дастур ва маҳсулотларни илгари суриш бўйича долзарб тақлифлар эса бу борадаги ўзаро ҳамкорлик белбоғини мустаҳкамлайдиган яна бир ҳаётий воситадир.

Давлатимиз раҳбари Хитой давлатига ташрифи жараёнида ўзаро ҳамкорликни мустаҳкамлаш, узоқ муддатли тараққийнинг умумий ендашувларини муҳокама қилиш мақсадида бир қатор давлатлар раҳбарлари, шунингдек, Бирлашган Миллатлар Ташкилоти Бош қотиби, Халқаро валюта жамғармаси бошқарувчи директори билан учрашувлар ўтказди. Учрашувларда мамлакатлар ва халқаро нуфузли ташкилотлар ўртасида дўстлик ва шериклик муносабатларини янада кенгайтириш масалалари муҳокама қилинди.



Учрашувларда Ўзбекистонда барча соҳада амалга оширилаётган кенг кўламли ислохотларнинг амалий натижалари юқори баҳолангани эса янада диққатга сазовор. Дейлик, Халқаро валюта жамғармаси бошқарувчи директори Кристин Лагард Президентимиз билан бўлган учрашувда мамлакатимизнинг иқтисодий тараққийини ижобий баҳолаб, жамғарма комплекс иқтисодий ва таркибий янгиланишларни амалга ошириш жараёнида Ўзбекистонга зарур барча ёрдамни кўрсатишни давом эттиришга қатъий интилишини таъкидлади.

Халқаро валюта жамғармаси экспертларининг фикрича, Ўзбекистон муҳим ислохотларнинг илк босқичини муваффақиятли амалга оширди. Валюта муомаласи либераллаштирилди, солиқ бошқаруви ислоҳ қилинди, давлат статистика тизими тубдан яхшиланди. Бунинг натижасида ялпи ички маҳсулотнинг ўсиши жорий йилда 5,5 фоиз, келаси йили эса 6 фоизга етиши кутилмоқда.

Бирлашган Миллатлар Ташкилоти Бош қотиби Антониу Гутерриш Президентимиз билан яна бир бор учрашиб турганидан мамнун эканини таъкидлаб, Ўзбекистон ташаббуслари халқаро ва минтақавий хавфсизликни мустаҳкамлаш, маънавият, таълим, экология, туризм каби соҳаларни ривожлантиришда муҳим ўрин тутаётганини қайд этди.

Ўзбекистон Марказий Осиёда ишонч ва яхши кўшничлик муносабатларини мустаҳкамлаш, минтақадаги барча мамлакатлар билан ўзаро манфаатли ҳамкорликни кенгайтиришга қатъий интилоқда. Энг муаммолар масалаларнинг ечими топилди, барча кўшчилар билан алоқалар сифат жиҳатидан янги босқичга кўтарилди. Кейинги икки йилда минтақа давлатлари билан товар айирбошлаш ҳажми қарийб 2 баробар ортди.

БМТ Бош Ассамблеясининг Марказий Осиё бўйича тарихий аҳамиятга эга резолюцияси ҳамда Маърифат ва диний бағрикенглик бўйича резолюцияси қабул

қилинган Ўзбекистоннинг бу борадаги саъй-ҳаракатларининг халқаро эътирофи бўлди. Мамлакатимиз Ёшлар ҳуқуқлари тўғрисидаги халқаро конвенцияни тайёрлаш ва қабул қилиш бўйича муҳим ташаббусни ҳам илгари сурган.

Бутунхитой халқ вакиллари кенгаши Доимий кўмитаси раиси Ли Чжаньшу билан бўлган учрашувда олий даражада эришилган келишувлар ижроси устидан парламент назоратини кўчатириш масалалари кўриб чиқилди. Бундан ташқари, парламентлараро мулоқот мамлакатларимиз ҳамкорлигини амалий мазмун билан

бойитиш, янги дастур ва лойиҳаларни илгари суришга хизмат қилиши қайд этилди.

Ли Чжаньшу мамлакатимизда янги босқичда амалга оширилаётган ижтимоий-иқтисодий ислохотларни, уларнинг реал натижалари ва самарадорлигини юксак баҳолади. Унинг фикрича, Ўзбекистон Президентининг сиёсати ва ислохотлари ўзининг миқёси ва мақсадларига кўра давлатимиз раҳбарини Хитойнинг буюк ислохотчиси Дэн Сяопинь билан таққослашга тўлиқ асос бўлади.

Албатта, халқаро ҳамжамият Ўзбекистонга, шахсан ислохотларга бош-қош бўлаётган Президентимиз Шавкат Мирзиёев номига билдираётган бундай эътирофлар, гапнинг очиги, янгилик бўлмай қолди. Чунки мамлакатимизда халқ фаровонлиги, юрт тараққийи йўлида амалга оширилаётган ислохотлар қисқа вақт ичида ўзининг амалий натижасини кўрсатди.

Американинг нуфузли иқтисодий-молиявий журнали "Forbes" Марказий Осиёнинг қадимий давлати ҳисобланган Ўзбекистонда ички ва ташқи иқтисодий-сиёсий ўзгаришлар кузатилаётганини маълум қилиб, Президент Шавкат Мирзиёевни ташқи дунёга кўпроқ очилаётган ўзбек етакчиси сифатида баҳолагани ва давлатимиз раҳбарини Хитойнинг буюк ислохотчиси Дэн Сяопингга қийслагани ҳали ёдимиздан кўтарилгани йўқ.

"Хитой мўъжизаси"нинг асосчиси Дэн Сяопинь Хитойни қудратли давлатга айлантирган иқтисодий ислохотларни амалга оширган бўлса, Президент Шавкат Мирзиёевнинг ислохотлари халқни рози қилишга, Ўзбекистонни ҳар томонлама ривожланган қудратли давлатга айлантиришга қаратилган.

Осиё Журналистлари Ассоциацияси Ўзбекистон Республикаси Президентини 2018 йилнинг энг буюк давлат арбоби сифатида эътироф этиб, Шавкат Мирзиёевни "Осиёда йил одами" деб

эълон қилгани ва бу барча ҳамюртларимиз қалбига чексиз фахр ва ифтихор, ғурур бағишлагани эди. Мамлакатимиз раҳбарининг Туркиянинг молиявий-иқтисодий наشري — "Turcomoney" томонидан тузиладиган ҳар йилги рейтингда "Йилнинг энг яхши хорижлик давлат арбоби" сифатида тан олингани юртдошларимизни янада қувонтирди. Президентимиз бу юксак эътирофга ташқи дунё, хусусан, Туркия ва Марказий Осиё давлатлари билан сиёсий-иқтисодий алоқалар ва ўзаро ҳамкорликнинг мустаҳкамланишига, Марказий Осиё минтақаси ва унинг атрофида ҳамкорликни жадал тус олишига қўшган муҳим амалий хизматлари, шунингдек, одамларнинг яшаш шароитларини тубдан яхшилашга қаратилаётган ислохотлари туфайли муносиб кўрилди.

Энг муҳим ҳақиқат шуки, одамларнинг орзу-умидларини рўёбга чиқариш, ҳар бир оила, ҳар бир инсон тўқис ва фаровон ҳаёт кечириши, ўз умридан рози бўлиб яшаши учун барча шарт-шароитни яратиб бериш бугун мамлакатимизда амалга оширилаётган шиддатли, кенг қамровли ва ҳаётбахш ислохотларнинг асосий мақсадига айланган. Президентимиз асос солган халқ билан мулоқотнинг яхлит тизими эса айни шу жараёнда барча ўзгариш ва янгиланишларни ҳаракатлантирувчи кучга айланиб, муаммоларга реал ечим топиш учун мустаҳкам платформани ҳосил қилмоқда. "Халқ давлат органларига эмас, давлат органлари халқимизга хизмат қилиши керак" деган умумбашарий эзгу ғоя бугун Ўзбекистоннинг давлат сиёсатида мустаҳкам асосга — қонуниятга айлангани боис ҳам бугун дунё Ўзбекистонни янгидан кашф этмоқда, мамлакатимиз раҳбарини бажараётган амалий ишлари учун ҳақли равишда эътироф этмоқда.

Биз бу ҳаёт ҳақиқатида 24-27 апрель кунлари Хитойда бўлиб ўтган "Бир макон, бир йўл" иккинчи халқаро форумида ҳам такрор-такрор амин бўлдик. Форум доирасида томонлар 283 та амалий натижага, давлатлараро келишувлар ва ҳамкорлик лойиҳаларига эришгани, ишбилармонлар қиймати 64 миллиард доллардан зиёд бўлган битимлар имзолагани эса "Бир макон, бир йўл" лойиҳаси доирасидаги ҳамкорлик ўзаро манфаатли ва кенг кўламли тус олганидан далолат беради.

ЎЗМТДП дастурий мақсадларидан келиб чиққан ҳолда мамлакатимизнинг миллий манфаатларини ҳимоя қилишга қаратилган ташқи сиёсатини, халқаро ташкилотлар билан самарали ҳамкорлиги ҳамда халқаро лойиҳалардаги иштирокини қўллаб-қувватлаймиз. Партия ташкилотлари ва улардан сайланган депутатлар давлатимиз раҳбари томонидан халқаро даражада тузилган келишувлар ижросини таъминлашда фаол иштирок этиш ҳамда парламент ва депутатлик назоратини ўрнатишга ҳаракат қилади.

Сарвар ОТАМУРАТОВ,
Ўзбекистон "Миллий тикланиш"
демократик партияси
Марказий кенгаши раиси

Худудий ташкилотларда

Ўзбекистон "Миллий тикланиш" демократик партияси Бухоро вилоят кенгашининг наъбатдан ташқари кенгайтирилган йиғилиши бўлиб ўтди. Унда партия Марказий кенгаши ва вилоят ташкилотлари ходимлари, ЎзМТДП фракцияси ҳамда халқ депутатлари маҳаллий Кенгашлардаги ЎзМТДП гуруҳлари аъзолари, бошланғич партия ташкилотлари етакчилари иштирок этди.

Йиғилишда Марказий кенгаш раиси Сарвар Отамуратов иштирок этди.

КЕНГАЙТИРИЛГАН ЙИҒИЛИШЛАРДА ТАШКИЛИЙ МАСАЛАЛАР КЎРИЛДИ



Партия етакчиси ўз сўзида ЎзМТДП Бухоро вилоят кенгашининг маданий мерос объектларини ўрганиш, бу борада партия гуруҳлари томонидан амалга оширилган ишлар ҳақида тўхталиб, йўл қўйилган камчиликлар, фойдаланилмаган имкониятларга эътибор қаратди. Уларни бартараф этиш юзасидан партия вилоят, туман ташкилотлари ва маҳаллий Кенгашлар депутатларига аниқ вазифалар юклатилди.

Халқ депутатлари вилоят, туман ва шаҳар Кенгашларидаги ЎзМТДП гуруҳларининг 2018 йилдаги фаолияти танқидий таҳлил қилинди. Жорий йилда қилинадиган ишлар, жумладан, декабрь ойида бўлиб ўтадиган сайловларга тайёргарлик кўриш билан боғлиқ масалалар муҳокама қилинди, вазифалар белгилаб олинди.

Йиғилишда ташкилий масала кўрилди. Партия аъзоси Махсуд Муҳаммедов ЎзМТДП

Бухоро вилоят кенгаши раиси этиб тайинланди.

Шу куни Ўзбекистон "Миллий тикланиш" демократик партияси Сирдарё вилоят кенгашининг ҳам наъбатдан ташқари кенгайтирилган йиғилиши бўлиб ўтди. Унда партия Марказий кенгаш раиси ўринбосари Нодир Мухторов иштирок этди ва маъруза қилди.

Йиғилишда партия ташкилотлари олдида турган долзарб вазифалар, партия гуруҳлари фаолиятини ошириш, бошланғич партия ташкилотлари ишини жонлантириш борасида фикр-мулоҳаза ҳамда таклифлар билдирилди.

Йиғилишда ташкилий масала кўрилди. Партия аъзоси Норбобо Соатов ЎзМТДП Сирдарё вилоят кенгаши раиси этиб тайинланди.

Р. МАВЛОНОВ

"Milliy tiklanish" мухбири

Фракция фаолияти

ЎЙ-ЖОЙ МУЛҚДОРЛАРИ ШИРКАТИ

фаолияти тартибга солинади

«Давоми. Бошланиши 1-бетда.

— 2018 йил — "Фаол тадбиркорлик, инновацион ғоялар ва технологияларни қўллаб-қувватлаш йили"да амалга оширишга оид Давлат дастурининг 29-банди ижросини таъминлашга қаратилган мазкур қонун лойиҳаси билан Ҳисоб палатасининг асосий вазифа ва функциялари, уларни амалга ошириш механизмлари, палата раиси, ўринбосарларининг ваколатлари, Ҳисоб палатаси мансабдор шахсларининг ҳуқуқ ва мажбуриятлари белгилаб берилмоқда, — деди фракция раҳбари Сарвар Отамуратов. — Шунингдек, лойиҳада Ҳисоб палатасининг давлат органлари ҳамда бошқа ташкилотлар билан маълумотлар, жумладан, электрон шаклдаги маълумотлар алмашинуви борасида ўзаро ҳамкорлик қилиш тартиби ифодаланган. Бундан ташқари, давлатнинг иқтисодий манфаатларини ҳимоя қилиш мақсадида лойиҳада Ҳисоб палатасига бюджет ва смета-штат интизомининг бузилишида айбдор бўлган масъул шахсларни маъмурий жавобгарликка тортишни сўраб, судга муржаат қилиш ҳуқуқи берилмоқда.

Халқаро тажрибага мурофиқ Ҳисоб палатаси фаолияти ҳамда унинг томонидан амалга ошириладиган ташқи аудит ва молиявий назоратни йўлга қўйиш мақсадида палата стандартларини белгилаш таклиф этилмоқда. Депутатларнинг фикрича, ушбу қонун лойиҳаси Ҳисоб палатаси фаолиятини янада тақомиллаштириш, ўз вазифаларини қонуний асосда амалга оширишига хизмат қилади.

Мажлисида пул-кредит сиёсатини либераллаштириш, соҳа фаолиятини ҳуқуқий тартибга солиш механизмларини тақомиллаштиришга қаратилган бир қатор қонун лойиҳалари биринчи ўқишда кўриб чиқилди. Жумладан, "Валютани тартибга солиш ва валютани назорат қилиш тўғрисида"ги қонун лойиҳаси амалдаги шу номдаги қонундан тубдан фарқ қилади, деярли барча валюта операциялари турларининг амалга



ошириш тартибини белгилайди.

"Ўзбекистон Республикасининг Марказий банки тўғрисида"ги Ўзбекистон Республикаси Қонунига ўзгартиш ва қўшимчалар киритиш ҳақида"ги қонун лойиҳаси эса, пул-кредит сиёсати ва унинг инструментларини тубдан тақомиллаштириш, нархлар барқарорлигига қаратилган таъсирини кучайтириш, жумладан, амалга ошириладиган чоралар асосида асосий инфляция ҳолатларининг олдини олишга қаратилган.

— Ушбу қонун лойиҳаларининг қабул қилиниши валюта операцияларини амалга оширишда резидент ва норезидентларнинг чет эл валютасидаги маблағларини эркин тасарруф этиш ҳуқуқларини рўйга чиқаришга, миллий валютаимизнинг барқарорлигини таъминлашга хизмат қилади, — деди фракция аъзоси Алишер Ҳамроев. — Мамлакатимиз иқтисодий манфаатларидан келиб чиқиб, валюта операцияларини тартибга солувчи мустақкам қонунчилик базасини шакллантиришга замин яратди. Шунингдек, Марказий банкнинг пул-кредит сиёсатини амалга оширишида замонавий механизмлар қўлланилиши, тижорат банкларининг бошқарув ва таваккалчилик-менеджменти сифатига таъсир

қилиш механизмларини тақомиллаштириш, банк тизимидаги маълумотларни йиғиш, таҳлил қилиш самарадорлигини ошириш ҳамда инновацион технологиялардан кенг ва сифатли фойдаланишга кўмаклашади.

Йиғилишда муҳокама қилинган яна бир масала — биринчи ўқишга киритилган "Кўп квартиралли уйларни бошқариш тўғрисида"ги қонун лойиҳаси ҳам баҳс-мунозарасига сабаб бўлди.

— Ўй-жой мулкдорлари ширкати фаолиятини тартибга солидиган қонунлар ижросини ўрганиш натижасида кўп квартиралли уйларни сақлашга доир муносабатларни ширкатлардан ташқари бошқа тузилмалар ҳам турли усуллар орқали бошқариши, айнан шундай аралашувларга чек қўйиш масаласида қонун ҳужжатларида камчиликлар мавжудлиги аниқланди, — дейди фракция аъзоси Азамат Пардаев. — Ушбу қонун лойиҳаси кўп квартиралли уйлар бошқарувини тартибга солиш мақсадида ишлаб чиқилди. У мамлакатимизда кўп квартиралли ўй-жойларни бошқариш тизимини тубдан тақомиллаштириш, соҳанинг ҳуқуқий асосларини халқаро тажрибалар асосида янада мустақкамлаш, энг муҳими, аҳоли учун ҳар томонлама қулай шартитлар яратишга хизмат қилади.

Йиғилишда бошқа қонун лойиҳалари ҳам муҳокама қилинди ва кўриб чиқилган масалалар юзасидан фракциянинг тегишли қарорлари қабул қилинди.

Равшан МАҲМУДОВ,
"Milliy tiklanish" мухбири

Акция

"ШАРАФ ЛЕНТАСИ" УЛАШИЛМОҚДА



Бугун кўча-кўйда кимни учратманг кўксини мамлакатимиз байроғи рамзи туширилган "Шараф лентаси" бегаб турганига кўзингиз тушади ва беихтиёр кўнглингизда фахр-ифтихор туюғуси пайдо бўлади, уни кўриб тинч ва осойишта кўнларга шукрона айтасиз, бизни шуқўли дамларга эришишимизда жонини фидо қилган ватандошларимиз хотирасини ёдга олсангиз. Албатта, Иккинчи жаҳон урушида ҳалок бўлган аждодларимиз хотираси олдида қанча таъзим қилсак шунча оз.

Президентимизнинг жорий йил 23 апрелдаги "Хотира ва қадрлаш кунига тайёргарлик кўриш ва уни ўтказиш чора-тадбирлари тўғрисида"ги қарорига мувофиқ мамлакатимизда 25 апрелдан буюн "Аждодларни хотирлаш — муқаддас қадрият", "Эътибор ва ғамхўрлик — инсоний бурч" шиорлари остида акция ўтказилмоқда.

Ўзда бугунги мусаффо осмонимиз, тинчлигимиз ва ёрў кўнларимиз учун курашган юртдошларимиз хотирасини ёдга олиш, ёшларимиз қалби ва онгига инсонни қадрлаш, унинг хотирасини шарафлаш каби эзгу мақсадларни мужассам этган ушбу акцияда ёшларимиз фаол иштирок этмоқда. Улар истироҳат боғлари, таълим масканларида "Шараф лентаси"ни тарқатишмоқда, бекатларга келиб тўхтаган жамоат транспорти ҳамда автоуловларга махсус стикерлар ёпиштириб, фуқароларни байрам билан муборакбод этишмоқда. Айниқса, аэропортдан чиқиб келаётган хорижий меҳмонларнинг кўксидagi миллий байроғимиз рамзи туширилган лентани кўриб, кўксингиз тоғдек кўтарилди.

Ўзбекистон "Миллий тикланиш" демократик

партияси "Ёшлар қаноти" ҳам бундай тадбирларда фаол иштирок этмоқда. Айниқса, партиянинг Тошкент шаҳри, Самарқанд, Фарғона ва Қашқадарё вилоятлари кенгашлари "Ёшлар ва аёллар қаноти" ҳамда "Кўмак" тарғибот гуруҳи аъзолари шаҳар кўчалари, истироҳат боғлари, аҳоли гавжум масканларда катта-ю кичикка миллий байроғимиз рамзи туширилган "Шараф лентаси"ни улашмоқда.

— "Хотира ва Қадрлаш" куни мамлакатимизда йилдан-йилга ўзгача тарзда, ранг-баранг шиор ва тадбирлар воситасида ўтказилаяпти, — дейди Шайхонтоҳур тумани "Тулбозор" маҳалласида истиқомат қилаётган 95 ёшли онахон Зўҳра Гуломова. — Невараларим қўлидаги байроғимиз рамзи акс этган ленталарни кўриб ҳам қувонаман, ҳам шундай дорилмомон кўнларда яшаётганимизга шукрона айтаман. Инсон учун бундан ортқ бахт борми дунёда?! Юртимиз ҳаммаша тинч, халқимиз омон бўлсин, фарзандларимиз асло уруш нималигини билмасин.

Ўз мухбиримиз

Таҳлил ва таққос

БИРИНЧИ ЧОРАК ЯКУНИ

ЎзМТДП Навоий вилоят кенгаши фаолиятида қандай ўзгаришлар кузатилди?

Навоий вилояти мамлакатимизда улкан иқтисодий салоҳиятга эга. Президентимиз ушбу вилоятга таширфлари чоғида аҳоли фаровонлигини оширишга доимий эътибор қаратиб, берган таклиф ва тавсиялари, топшириқлари ижроси натижасида худуднинг иқтисодий-ижтимоий ҳаётида улкан ўзгаришлар рўй бермоқда.



Ўзбекистон "Миллий тикланиш" демократик партияси Навоий вилоят кенгаши ҳам партия дастурий вазифаларидан келиб чиққан ҳолда халқ билан мулоқот қилиш, уларни қийнаб келаётган масалаларга ечим топишда ўз ҳиссасини қўшиб келаётир. Айни пайтда халқ депутатлари вилоят Кенгашига ЎзМТДПдан сайланган 14, туман ва шаҳар Кенгашларида эса 74 нафар депутат фаолият олиб бормоқда.

— Депутатларимиз ўтган 2018 йилда, айниқса, аҳоли муружаатлари билан ишлаш юзасидан самарали фаолият олиб борди, — деди ЎзМТДП Навоий вилоят кенгаши Ижроия қўмитаси девони ижрочи котиби Хуршид Тошев. — Жумладан, бир йил давомида жами 354 депутатлик сўрови амалга оширилган бўлса, уларнинг 277 таси фуқаролар муружаати асосида ҳал этилган масалалар ҳисобланади. 2019 йилнинг биринчи чорағида эса

ташқил қилади. Таҳлиллар жорий йилнинг биринчи чорағида аҳолидан газ, сув, электр энергия муаммоси юзасидан энг кўп муружаат тушганлигини, бу эса вилоятдаги мазкур соҳалар мутасаддиларидан ўз ишларига эътиборни янада кучайтириш зарурлигини кўрсатмоқда.

Депутатлик сўровларининг ижроси бўйича вилоят худудлари кесимида таҳлил қиладиган бўлсак, жорий йилнинг биринчи чорағида халқ депутатлари вилоят Кенгашига ЎзМТДПдан сайланган депутатлар 26 та сўров киритган ва бунинг 19 таси ижобий ҳал қилинган. Биргина Навбахор туманида 24 депутатлик сўрови юборилган бўлиб, унинг 19 тасига ижобий ечим топилган. Аммо Навоий шаҳри, Хатирчи ва Нурота туманларида уч ой давомида атиги 7 тадан депутатлик сўрови киритилган. Бундай ҳолат мазкур худудлар аҳолисининг депутатга бўлган ишончи йўқлиги ёки халқ вакиллари аҳоли билан юзма-юз мулоқот қилиш борасида суст-кашликка йўл қўяётганини англатади.

Жорий 2019 йилнинг биринчи чорағида халқ депутатлари Навоий вилоят, туман ва шаҳар Кенгашларидаги ЎзМТДП гуруҳлари ташаббуси билан маҳаллий Кенгаш сессияларида учта қарор қабул қилинган. Хусусан, Ўзбекистон Республикаси Президентининг "Китоб маҳсулотларини нашр этиш ва тарқатиш тизимини ривожлантириш, китоб муталоа ва китобхонлик маданиятини ошириш ҳамда тарғиб қилиш бўйича комплекс чора-тадбирлар дастури тўғрисида"ги қарорининг тумандаги ижроси юзасидан партия Учқудук туман кенгаши томонидан тегишли соҳа вакиллари, му-

тахассислар, ЎзМТДПдан сайланган депутатлардан иборат ишчи гуруҳи тузилиб, худуддаги ахборот-ресурс марказлари ва кутубхоналардаги ҳолат бўйича ўрганишлар олиб борилмоқда. Ҳар бир маҳалла фуқаролар йиғинида кутубхона ташқил этилмоқда.

Халқ депутатлари вилоят, туман ва шаҳар Кенгашларидаги ЎзМТДП гуруҳлари ташаббуси билан жорий йилнинг биринчи чорағида 25 мансабдор шахсининг ахбороти тингланди. Бу 2018 йилнинг шу даврига нисбатан 11 тага кўп. Маҳаллий Кенгашлар сессияларида эса 12 таклиф олиб чиқилган. Ўтган йилнинг шу даврида эса бу кўрсаткич олтинани ташқил қилган. Халқ депутатлари маҳаллий Кенгашлар доимий комиссиялари йиғилишларида 20 таклиф олиб чиқилган, бу эса ўтган йилдан 2 тага ортқ. Мазкур таклифлар юзасидан доимий комиссияларнинг 19 қарори қабул қилинган бўлиб, ўтган йилнинг биринчи чорағига нисбатан 5 тага кўп.

Таҳлиллар вилоятдаги партия ташкилотлари ҳамда депутатларнинг жорий йил биринчи уч ойи давомидаги фаолияти ўтган йилнинг шу даврига нисбатан самарали бўлганини кўрсатаётир. Бундан кейин ҳам янада янги мақсадларни амалга оширишда ҳамкорликни кучайтириш, аҳоли муружаатлари билан ишлашга чуқурроқ ёндашиш, айниқса, муҳим сиёсий жараён — Олий Мажлис Қонунчилик палатаси ҳамда маҳаллий Кенгашларга сайлов бўлиб ўтадиган ушбу йилда амалий ишлар қўламини янада кенгайтириш долзарб аҳамият касб этади.

Дилфуза МАҲКАМОВА,
"Milliy tiklanish" мухбири

ҚАЛБЛАРДАГИ ШУҚР ЖИЛВАСИ



Давоми. Бошланиши 1-бетда.

Қарор ижроси доирасида Олий Мажлис Қонунчилик палатасидаги Ўзбекистон "Миллий тикланиш" демократик партияси фракцияси аъзолари, маҳаллий Кенгаш депутатлари ҳамда партия фаоллари юртимизнинг турли ҳудудларида истиқомат қилувчи Иккинчи жаҳон уруши қатнашчилари ва фронт ортида меҳнат қилган фахрийлар, хизмат бурчини бажариш чоғида ҳалок бўлган ҳарбий хизматчилар ва ҳуқуқни муҳофаза қилиш органлари ходимларининг оила аъзолари ҳолидан хабар олишмоқда.

Юртимиз тинч, осмонимиз мусаффо бўлсин!

Инсоният бошига мислсиз йўқотиш, талафот ва мусибатлар келтирган Иккинчи жаҳон уруши асоратлари ва оқибатларини ҳеч қим, ҳеч қачон унутмайди. Бу даҳшатли уруш гарчи ватанимиз сарҳадларидан анча олдига юз берган бўлса-да, лекин унинг уқубатлари ҳеч бир ўзбек хонадонини четлаб ўтгани йўқ.

Ўзбекистон "Миллий тикланиш" демократик партияси Марказий кенгаши Ижроия қўмитаси котиби Хусниддин Ражабов, Бўлим бошлиқлари Дониёр Тошбоев ва Ҳамдам Ниёзов маҳаллий Кенгаш депутатлари ҳамроҳлигида Тошкент шаҳар Учтепа туманининг Богинот, Бешқайроғоч ва Ширин маҳалларида бўлиб, уруш ва меҳнат фахрийлари Қирғизбой Камалов, Комил Худойбергандов ва Любовь Лавришева ҳолидан хабар олишди. Бундан бошқа ўтган фахрийлар шундай юртда яшаётгани ва шу кунларга етказганига шукроналар айтиб, кўрсатилаётган иззат-икром, эътибор ва эътиромдан бениҳоя минатдор эканликларини изҳор қилди.

— Бугунги ёшлар бахтли ва тинч замонда яшаётти, — дейди меҳнат фахрийси Комил Худойбергандов. — Бизнинг болалигимиз очарчилик ва оғир меҳнат билан ўтган. Шу боис янги авлод вакиллари яратилган шароит ва имкониятлардан тўла фойдаланиб, чуқур билим олиши, фойдали касб-ҳунар эгалламоғи лозим. Биз, уруш ва меҳнат фахрийларига юқсак эътиром кўрсатётган Президентимизга, халқимизга раҳмат. Шу кунларда хонадонимиздан меҳмон ариямаяпти, шифокорлар саломатлигимиздан тез-тез хабар олиб турибди. Илоҳим, бундан кейинги авлодлар асло уруш кўрмасин, юртимиз тинч, осмонимиз мусаффо бўлсин.

Ўзбекистон "Миллий тикланиш" демократик партияси Марказий кенгаши вакиллари уруш ва меҳнат фахрийлари кўксига мамлакатимиз байрони рамзи туширилган "Шараф лентаси"ни тақиб, уларга совға-саломлар улашди.

Дорилон кунлар шукронаси

Ўзбекистон "Миллий тикланиш" демократик партияси Марказий кенгаши раиси ўринбосари, фракция аъзоси Алишер Ҳамроев Самарқанд вилояти Тойлоқ туманида бўлиб, фронт ортида меҳнат қилган фахрийлар, ногиронлиги бор фуқаролар ҳолидан хабар олди. Тумандаги Қўрғонча ва Қўшчиноқ маҳалларида яшовчи меҳнат фахрийлари Асрор Истамов, Норбиби Жалилова ҳамда Навбахор маҳалласида истиқомат қилаётган II-гуруҳ ногирони Шарофат Давронова хонадонларидики сўхбатларда бугунги дорилон кунларга, фаровон турмушга уларнинг заҳматли меҳнати, кўрсатган жасорати сабаб эришилгани алоҳида таъкидланди.

Олий Мажлис Қонунчилик палатаси депутати Азамат Пардаев Пастдарғом туманидаги Камолот маҳалласида истиқомат қилувчи Иккинчи жаҳон уруши қатнашчиси Мамаюсуф Ражабов, Пахтачи туманида яшовчи Тўқли бобо Одилов ҳамда Гаффор бобо Сапаров хонадонларида бўлди.

Отақонлар билан кечган самимий сўхбат чоғида 9 май — Хотира ва қадрлаш кунининг юртимизда кенг нишонланиши замирида кексаларни ардоқлаш тушунчаси устувор эканлиги хусусида фикр-мулоҳазалар билдирилди, Иккинчи жаҳон уруши қатнашчиларига эсдалик совғалари топширилди.

Оқдарё тумани Равот қишлоғида истиқомат қилаётган Иккинчи жаҳон уруши қатнашчиси Муртазо бобо Эшпўлатов шу

йил умрининг 95 баҳорини қарши олди. Нуроний отақон урушда чеккан заҳмати, машаққатли меҳнатининг роҳатини кўриб, бугун фарзандлари, неваралари билан ардоғида фаровон ҳаёт кечирмоқда.

Олий Мажлис Қонунчилик палатаси депутати Сиддиқ Номозов ва партия фаолларининг байрам арафасида ҳол-аҳвол сўраб келгани Муртазо бобонинг кўнглини тоғдек кўтарди.

— Гарчи орадан неча йиллар ўтган бўлса-да, уруш йилларини эсласам, юрагим увушиб кетади, — деди Муртазо бобо Эшпўлатов. — Биз кўрган бундай даҳшатларни бугунги авлодлар асло кўрмасин. Бугун юртимиздаги тинч-осуда ҳаётни, ривожланиш ва тараққиётни кўриб шукроналар айтганам. Ёшларга доимо бу кунларнинг қадрига етинг, юрт тинчлиги, эл фаровонлиги, Ватан тараққиёти учун ўз ҳиссангизни қўшиб яшанг, дея ўқитиб келаман.

Қариси бор уйнинг париси бор

ЎзМТДП Наманган вилояти кенгаши туманларда Президентимизнинг "Хотира ва қадрлаш кунига тайёргарлик кўриш ва уни ўтказиш чора-тадбирлари тўғрисида"ги қарори ҳамда партия дастурий вазифалари ижросини таъминлаш мақсадида "Эътибор ва ғамхўрлик — инсоний бурди!" шиори остида уруш фахрийларини йўқлов тадбирларини ташкил қилмоқда.

ЎзМТДП Марказий кенгаши раиси ўринбосари, фракция аъзоси Нодиржон Мухторов ҳамда партия фаоллари Поп тумани "Чоркесар" маҳалла фуқаролар йиғинида истиқомат қилувчи Мирзабахмон ота Абдурахмонов, "Бунёдкор" маҳалла фуқаролар йиғинида яшовчи Шайбек ота Гарипов, "Исковут" МФЙда яшовчи Хайдарали ота Ўлжабоев ҳамда "Юксалиш" МФЙда истиқомат қилувчи Нажмиддин ота Қодиров хонадонларида бўлдилар. Уруш кўрган кексалар билан сўхбат чоғида нуронийларимизнинг ҳар бир сўзи биз учун ўғит, ҳар бир насиҳати келажакимиз учун кўйилган таъмал тоши эканлиги алоҳида таъкидланиб, байрам совғалари улашилди.

Уйчи туманининг "Гулбоғ" маҳалла фуқаролар йиғинида истиқомат қилувчи Мадамин ота Абдуллаев ҳамда Аҳмадхон ота Мамадалиев хонадонлари бугун ҳар кунгидан ҳам файзли. Негаки, байрам арафасида нуронийларни йўқлаб қон-қариндошлар, маҳалла аҳли ва ёшларнинг кети узилмаяпти. Улар қаторида Олий Мажлис Қонунчилик палатаси депутати Акмал Раҳмонов, халқ депутатлари Уйчи тумани Кенгаши депутати Бахтиёр Эгамов, партия фаоллари ҳамда "Кўмак" гуруҳи аъзолари ҳам ёши улў кексаларнинг ҳолидан хабар олиб, дилдан мулоқот қилдилар.

— Эзугликни мақсад қилиб, ҳалол яшаган, юрт тараққиётига муносиб ҳисса қўшган отақон ва онақонларни қанча эъзозласак кам, — деди ЎзМТДП фракцияси аъзоси Акмал Раҳмонов. — Уларнинг ҳаёт йўли, таърибаси ҳар биримиз учун сабоқ мактаби. Юз билан юзлашайотган боболаримиз билан сўхбатлашиб, ўша даврнинг заҳматли онлари кўз олдимида гавдалангандек бўлди. Истиқлол йилларида кекса авлод вакиллари давлатимиз эътибори ва меҳру муҳаббати оғушида умргузаронлик қилмоқда. Хотира ва қадрлаш байрами арафасида ўтказилаётган тадбирларда ҳам ана шу жиҳат янада яққол намоён бўлмоқда.

Дарё-дарё дуолар

"1937-1938 йилларда Каттақўрғон канали қурилишида иштирок этдим. 1939 йили ҳарбий хизматга қақширилиб, қарийб ўн йилдан сўнг — 1948 йилда уйга қайтдим. Бу орада бошимдан ўтказган қийинчиликларни эсласам юрагим орқага тортиб кетади. Йиллар ўтиб ошла кўрдим, тўрт қиз ва бир ўғилни вояга етказдик. Айни пайтда 20 назира, 30 га яқин чеваранинг бобосиман. Улар тинч ва тўқин замонда ўқиб, улғаяётганидан кўнглим хотиржам. Ёшларга тинчликни асраш, бу кунларнинг қадрига етишни доимо ўқитиб келаман..."

Навоий вилояти Кармана тумани "Уйрот" маҳалла фуқаролар йиғини Нурчилар кўчасида истиқомат қилаётган Иккинчи жаҳон уруши қатнашчиси Ялла бобо Равшанов ўша машъум йиллар хотираларини ед этиб, кўзига ёш қалқди. ЎзМТДП фракцияси

аъзоси Қозим Тожиёв, партия вилоят кенгаши Ижроия қўмитаси девончи раҳбари Бахтиёр Бобоназаров ҳамда "Нуроний" жамғармаси туман бўлими вакиллари Ялла бобо хонадонига боришгани нуроний отақоннинг ёшига яна ёш қўшгандек бўлди. Шунингдек, Дўрмон маҳалласида истиқомат қилувчи Иккинчи жаҳон уруши қатнашчиси — 105 ёшли Пирназар бобо Турдиев, "Хўжа Хусрав" МФЙда яшовчи Замилла Ханбекова хонадонларига ҳам борилиб, нуронийлар ҳолидан хабар олинди. Қариялар нигоҳидан ажиб бир шукронани илаб, уларнинг жасоратига таҳсин айтган партия фаоллари мазмунли сўхбатдан бир олам таассурот олиб, уларга эсдалик совғаларини улашди.

Эзгу ўғитлари қалбимизга жо...

Олий Мажлис Қонунчилик палатасидаги ЎзМТДП фракцияси аъзолари Урол Хайитов, Дилфуза Жалилова, партиянинг Қамаша ҳамда Қарши шаҳар кенгашлари фаоллари Қарши шаҳридаги Комилон, Қўрғонча ва Чармиғар маҳалларида яшовчи меҳнат фахрийлари Усмон Донаев, Аҳмад Жалилов, Маҳмадмин Хушвақтов, Холмўмин Эргашов, Олла Очилов, Абдусалим Гапоров, Вера Андреевна хонадонларида бўлишди. Кексалар оғир ва машаққатли уруш йиллари ҳақида ҳикоя қилдилар.

— Болаларим, дунёдаги энг даҳшатли нарсаси бу — уруш, — дейди 103 ёшли Усмон бобо Донаев. — Бундан ўз бошимдан кечирганим учун айтаялганам. Урушнинг энг кизгин паллаларида Варшава, Минск ва Берлингача бўлган оғир жангларда иштирок этдим. Ўша кунлар азобининг ҳар дақиқаси хотирамдан ўчмаган. Истиқлол йилларидаги ҳаётим эса умримнинг энг мазмунли даври бўлди. Давлатимизнинг кексаларга юқсак эътибори ва ғамхўрлигидан, фарзандлар камалини кўраётганимиздан беҳад мамнунимиз. Маҳалладошлар доимо йўқлаб туришади. Улар билан сўхбатлашиб, руҳим тетиклашади, куч-ғайратим ошади. Бизга эътиром ва эътибор кўрсатётган инсонларнинг ўзлари ҳам улў ёшларга кириб, доимо элимиз ардоғида бўлиб, юртимиздаги тинчлик-осойишталикка қўз тегмасин.

Эрк ва озодлик, тинчлик ва осойишталик учун қалқон бўлган, кўксини орден ва медаллар тўлдириб турган фахрийлар билан бўлган сўхбат депутат ва партия фаолларига янада куч ва шижоат бағишлагани рост.

Меҳрумурват оғушида

Бугунги тинч ва осуда кунлар учун мардонавор курашган аждодларимиз фар-ифтихоримиз, уларни йўқлаш чинакам фарзандлик бурчимиздир. Олий Мажлис Қонунчилик палатасидаги ЎзМТДП фракцияси аъзоси Даврон Арипов, партия Тошкент вилоят кенгаши раиси Маҳмуд Назаров ва партиянинг Бекобод шаҳар ва Бекобод туман кенгашлари фаоллари байрам арафасида Бекобод шаҳар Қосим ота Фармонов маҳалласида истиқомат қилувчи Ҳасанбой Холматов, Сайхун маҳалласида яшовчи Худойкул Эргашов, Бекобод туманида истиқомат қилувчи Бозорбой Жўраев ҳамда Бердибой Гафуров хонадонларида бўлиб, отақонлар билан дилдан сўхбат қурдилар.

Тинчликнинг чинакам саодат, қиймати тенгсиз бойлик эканлигини ҳаммадан ҳам кўпроқ англаб етган нуронийлар ўзларининг ҳаёт йўллари ва уруш йилларидаги хизматлари ҳақида сўзлаб бердилар. Дугога қўл очиб, юртимизда доимо бугунгидай тинчлик ва дорилон кунлар барҳаёт бўлишини тилаб, кўрсатилаётган эътибор ва ғамхўрлик учун миннатдорчилик билдирдилар.

Учрашувларда Иккинчи жаҳон уруши қатнашчиларига ЎзМТДПнинг байрам совғалари топширилди.

Республикамизнинг ҳар бир ҳудудида Ўзбекистон "Миллий тикланиш" демократик партиясининг барча даражадаги ташкилотлари томонидан Иккинчи жаҳон уруши қатнашчиларига эътиром кўрсатиш, уларни рағбатлантиришга қаратилган тадбирлари давом этмоқда.

Дарҳақиқат, инсонга ҳурмат кўрсатиш, эзгу ишларини қадрлаш, ёши улўларни ардоқлаш миллий қадриятларимиздан бири сифатида муҳим тарбиявий аҳамиятга эга. Аждодларимизнинг фидойилиги нақвирон авлод учун ўзига хос ибрат мактабидир. Таҳликали вазиятларда она юрти учун мардонавор курашган, жасорат кўрсатган фидойилар бугун ҳам ораимизда — фарзандлари, неваралари бағрида, давлатимиз эътиборида. Икки асрни кўрган, юз билан юзлашайотган бундай инсонларнинг ҳали-хануз ҳаётга муҳаббати, Ватанга садоқати уйғок.

Жасорат унутилмаган, садоқат қадрланган юрда ҳаммаша ҳамжихатлик ҳукм суради. Бу қадриятлар авлодлар қалбидеги эзгу тушунчалар туфайли янада мустаҳкамланиб бораверади.

Партия ташкилотлари материаллари асосида "Milliy tiklanish" мухбири Дилфуза МАҚҚАМОВА тайёрлади

Депутат тақлиф қилади

ТОШКЕНТНИНГ ЎН ИККИ ДАРВОЗАСИ

Уларни тиклаш вақти келди

Давоми. Бошланиши 1-бетда.

Дарвоза қуёш ботгандан сўнг ёпилган ва уни шаҳар ҳокимининг руҳсатисиз очишга ҳеч қимнинг ҳаққи бўлмаган. Ўн икки дарвоза ортида эса ҳаёт қизгин давом этган. Тарихчи олим Ҳамид Зиёевнинг "Тарих — ўтмиш ва келажак кўзгуси" асарида 1741 йили Тошкентга келган татар савдоғари Шубай Арслоновнинг Тошкент ҳақидаги маълумотлари келтирилиб, шаҳарнинг ўша даврдаги ташқи ва ички манзараси қуйидагича тасвирланади:

"Тошкент шаҳри қалин пахса девор ва зовурлар билан ўраб олинган. Шаҳар катталиги жиҳатидан Қозон шаҳрига тенг келади. Унинг ўн икки дарвозаси бор. Бу ерда иморатлар тартибсиз ҳолда пахса девор билан қурилган. Шаҳарда боғ ва масжидлар кўп. Катта масжидларда кўпчилик бўлиб намоз ўқиганлар. Дарвозалар олдида алоҳида мишраблар туради. Уларда тўп йўқ, узоққа отадиган милтиқлар бор. Бундай милтиқлар Тошкентда ясалди. Шаҳарни ўн икки кишидан ташкил топган кенгаш бошқарган. Ҳукумат қароргоҳи Кўкча дарвозаси ёнидаги қалъада иш юритади. Тошкентдан Туркистонгача бўлган йўлни юк қарвони олти кунда босиб ўтган. Иргиз дарёсидан Уфагача уч кун, Бухорогача ўн кун, Балға йиғирма кун, Бадахшонгача ўн беш кун юрилган".

Тошкент чор Россияси томонидан босиб олинган сўнг, ўн икки дарвоза рамзий олтин қалитини генерал Черняев 1865 йилда Петербургдаги ҳарбий музейга топширган. 1890 йилдан бошлаб Тошкентда янги шаҳар барпо этилиши сабаб, унинг чегараси кенгайиб тарихий дарвозалар аста-секин бузиб ташланган. Айримлари тарихий обиди сифатида Ўзбекистон Фанлар академиясига қарашли Ўзбекистон тарихи давлат музейида сақланмоқда. Россияга олиб кетилган қалитлар 1933 йилда Ўзбекистонга олиб келинди ва текширув ўтказилиб, уларнинг соф олинган асалгани аниқланди. Ҳозирда бу қалитнинг ўн биттаси Марказий банкда сақланаётган бўлса, биттаси Ўзбекистон тарихи давлат музейида кўргазмага қўйилган. Бу қалитларнинг ҳар бирида ясалган вақти (ҳижрий 1282 йил) ва дарвозалар номи ёзиб қўйилган. Тарихий манбаларни варақла-сангиз Тошкент дарвозалари тарихига оид яна кўплаб бир-бирдан қизилма маълумотларга дуч келасиз.

Шу ўринда пойтахтимиз ўтмиши билан боғлиқ ушбу дарвозаларни қайта тиклаш вақти етганини алоҳида таъкидлаш лозим. Тўғри, бугун бу дарвозалар харобалари сақланмаган. Лекин 12 дарвозани тарихий жойи аниқланиб, рамзий дарвоза қурилса, тарих, ота-боболаримиз олдидаги бурчимизни бироз бўлса-да бажарган бўлармикан?..

Хизмат — беминнат

"УСТОЗ-ШОГИРД" АНЪАНАСИ ДАВОМ ЭТМОҚДА

Ўзбекистон "Миллий тикланиш" демократик партияси ташаббуси билан амалга оширилган қатор лойиҳалар буён кўпга етган ва қобилиятини намоён этиши ва касб-ҳунар эгаллашида муҳим аҳамият касб этмоқда.



Жумладан, ЎзМТДП Қорақалпоғистон Республикаси Хўжайли туман кенгаши "Аёллар қаноти" партиянинг "Хизмат — беминнат" лойиҳаси доирасида пазандачилик ва пишириқлар тайёрлаш бўйича ўқув курсини йўлга қўйилди. Хўжайли транспорт касб-ҳунар коллежининг таърибали ва талабчан ўқитувчиларидан бири — Юлдуз Жиёмуратова 5 нафар ёшга пазандачилик ва пишириқ тайёрлаш сирларини ўргатаётган бўлса, тумандаги малакали тикувчи, моҳир каштачи Саида Аллашова эса 6 нафар қизни тикувчилик билан бира қорақалпоқ миллий каштачилик сирларини ўргатиш мақсадида шогирдликка олди.

Шунингдек, ЎзМТДП Мўйноқ туман кенгаши "Аёллар қаноти" ташаббуси билан тумандаги "Gold Muynak Masters" масъулияти чекланган жамиятида "Хизмат — беминнат" лойиҳаси доирасида тикувчилик курси очилди. Моҳир тикувчи, "Gold Muynak Masters" МЧЖ раҳбари Жамила Карлибаева "Устоз-шогирд" анъанасини давом эттирган ҳолда 4 нафар мўйноқлик хотин-қизга тикши-бичиш сирларини ўргатмоқда.

Партиянинг Кўнғирот туман кенгаши сайё-ҳаракати билан лойиҳа доирасида тикувчилик бўйича ўқув курси фаолият бошлади. Хунарини "Устоз-шогирд" анъанаси асосида ёшларга ўргатишни мақсад қилган кўнғиротлик моҳир тикувчи Раҳима Абибуллаева ўзи

Мамлакатимизда ташқи ва ички туризмни ривожлантириш борасида кенг қўламли амалий сайё-ҳаракатлар бошланган бир пайтда бу масала янада муҳим аҳамият касб этмоқда. Чунки Тошкент тарихидан бироз хабардор хорижий сайёх: "Бизга Кўкча ёки Чигатой дарвозасини кўрсатинглар", — деб сўраб қолса, қаерга олиб борамиз? Колаверса, ёшларга мактабда Тошкент дарвозалари ҳақида соатлаб гапиргандан кўра, уларга рамзий бўлса-да қурилган дарвозаларни бир-бир кўрсатса, дарс самарадорлиги янада юқори бўлмай-дими? Шундай экан, гап ташаббус кўрсатиб, уларни қандай меъморий шаклда қуришда қолмоқда. Ва энг муҳими, дарвозаларни тарихчи олимлар, меъморлар билан маслаҳатлашиб, шунчаки ҳозирги замонавий кўринишда эмас, иложи бўлса ўша давр шакл-шамойилидан келиб чиққан ҳолда бунёд этиш мақсада мувофиқ, Атрофи ободонлаштирилиб, одамлар ўтириб хордик чиқарадиган жойга айлантириш лозим. Дарвоза пештоқиға номини ёзиб, ёнидаги кўрсатиш татчасига тарих ҳақида зарур маълумотларни муҳр-ласак янада ўрнини бўлади. Керак бўлса, дарвозанинг рамзий қалитини ҳам осиб қўйиш зарур.

Халқ депутатлари Олмасор туман Кенгашидаги ЎзМТДП гуруҳи ўтган йилнинг сентябрь ойида моддий маданий мерос объектларини хатловдан ўтказиш вақтида туман ҳудудида жойлашган дарвозалар — Чигатой, Сағбон, Қарасарой ва Тахтапўл тарихи ҳам ўрганилиб, уларнинг рамзий мақомини тиклаш масаласи кўтарилган эди.

Шу йилнинг 7 февраль куни партия гуруҳи халқ депутатлари Олмасор туман Кенгашининг XVII сессиясига Ўзбекистон Республикаси Президентининг "Ички туризмни жадал ривожлантириши таъминлаш чора-тадбирлари тўғрисида", "Моддий маданий мерос объектларини муҳофаза қилиш соҳасидаги фаолиятни тубдан такомиллаштириш чора-тадбирлари тўғрисида"ги қарорлари ҳамда "Туризм тўғрисида"ги Ўзбекистон Республикаси Қонунининг ижросини тўлиқ ва самарали таъминлаш, жумладан, тумандаги тўртта тарихий дарвозанинг рамзий кўринишини тиклаш масаласи ҳам киритилди. Қизгин муҳокамадан сўнг ушбу масала барча депутатлар томонидан ҳам бир овоздан маъқулланди. Сессиянинг бу ҳақда қарори қабул қилиниб, бир қатор вазифалар белгиланди. Эндиги масала бунинг ижроси тўла таъминлишини назорат қилишдан иборат.

Жаҳонгир ХАЛИЛОВ,
халқ депутатлари
Олмасор туман Кенгаши
ЎзМТДПдан сайланган депутат

раҳбарлик қилаётган "Жулдиз" тикув цехида 2 нафар қизга ушбу хунарни ўргатиш ва келажакда уларнинг ушбу цехда фаолиятини давом эттириши учун имконият яратиби бериш ниятида.

ЎзМТДП Қонқул туман кенгаши ташаббуси билан мазкур лойиҳа доирасида моҳир чевар Хурлиман Исмайлова "Баркамол авлод" марказида 3 нафар ишсиз хотин-қизга тикувчилик хунарини ўргатаётган бўлса, Шуманай туманидаги "Кетелер" овул фуқаролар йиғини ҳудудидаги Торе овулида "Хизмат — беминнат" лойиҳаси доирасида гилам

тўқиш бўйича "устоз-шогирд" мактаби йўлга қўйилди. Ўқув курсида моҳир гиламдўз Нортош Отаева Маҳим Одамедова, Қурбонбег Раҳмонова, Жамила Маматгелдиева ҳамда Маржон Торешовага гилам тўқиш сирларини ўргатмоқда.

Қорақалпоғистон Республикасининг кўпга олис қишлоқларида ЎзМТДП лойиҳалари доирасидаги амалий ишлар ҳудудда яшовчи хотин-қизларни ўқига жалб этаётди. Бу хайрли ишга ҳисса қўлишни истовчи хунармандлар соғи ҳам ортиб бормоқда. Жумладан, Амударё туманида фаолият олиб бораётган "Тамара-текстил" корхонаси раҳбари Тамара Юсупова лойиҳа доирасида бундан буён ҳам ҳамкорлик қилишга тайёр эканини билдирди. Хунарманд 2018 йилда кўнгилли равишда 6 нафар ёшга тикувчилик сирларини ўргатган бўлса, жорий йилда 18 нафар хотин-қиз тикувчилик йўналиши бўйича касб-ҳунарга жалб этилди.

Янги иш қўллаб-қувватланаётган экан, демак, яхши ўзгаришлар ҳам кўпаяверади.

Айгул ОТЕНИЯЗОВА,
ЎзМТДП Қорақалпоғистон Республикаси
кенгаши хотин-қизлар масалалари бўйича
етақчи мутахассиси

"Дўстларинг кўтарган бир тобутда ёт..."

< Давоми. Бошланиши 1-бетда.

Меҳмон дарагини эшитиб, шоша-пиша тадорикланиб қолган аёл қаршида турибман. Ранг кўриб, ҳол сўрдик.

Мунаввархон Ғаниева ҳаётининг эллик уч йилини ёш авлод таълим-тарбиясига бағишлаган. Фидокорона меҳнатлари учун халқ таълими аълочиси, "Ўзбекистон Республикасида хизмат кўрсатган ёшлар мураббийси" фахрий унвони билан тақдирланган.

Ая бизни ўғлининг уй-музейига бошлади. Ичкариладик. Сўрашни аянинг ўзидан бошладим:

— Ёш эдим. Уйимизда ҳамма эркак ҳарбий эди, — деб эслади ая. — Дадам Низомжон ака офицер бўлиб, Иккинчи жаҳон урушида танк дивизиясида хизмат қилган. Ленинград қамалида ичкарида қолиб кетиб, 43-йилда ҳалок бўлган.

Онам Тохихон ая 91 ёшга кириб ўтдилар. Ҳўзал аёл эди. Ана суратлари. Кўнгилли бўлиб, уруш вақтида чегара қўшинлари сафида хизмат қилган.

Хўжайиним Абдулҳамид Ғаниев ҳам ҳарбий эди. Афғонистондаги жангларда парашютдан сакрашда умуртқасидан жароҳат олиб, кейинроқ 46 ёшида ҳаётдан кўз юмди.

Бобуржоннинг акалари Бахтиёр ва Баҳодиржон ҳарбий хизматчи, Баҳромжон шифокор, опаси Гавҳарой — ҳуқуқшунос.

Илк қадам. Жасорат сари йўл

Бобуржон Ғаниев 1977 йил 14 октябрда Марғилон шаҳрида туғилган. Отаси вафот этганида у 9 яшар бола эди. У аввал Марғилон шаҳридаги рус тилига ихтисослашган 13-ўрта мактабда тахсил олди. Кейинчалик Марғилон тижорат техникуми, 2000 йилда эса Тошкент электротехника алоқа институтининг махсус факультетини тамомлади.

Бобуржон ёшлигидан бир сўзлик, айтганини қиладиган бўлиб ўсди. У доим ўзидан каттанинг оғирини олар, айниқса, қўшнилари билан беҳимнат кўли эди. Кўпича ҳамсоғлар уларникидан сув ташир, икки пақир сувни элтиб беришдан сира эринмасди.

Талабалигида ҳам стипендиясини йиғиб, китоб, совға-саломлар билан тўлиб-тошиб кириб келарди. Келганда ҳам кимдир ер чапаётган ёки бирор юмуш қилиб турган бўлса, жамадонини бир четга қўйиб, дарров ёрдамга шошарди.

Ўқини битириб, пул топиб, онасини ҳажга олиб бориш ниятида юрарди. Тақдир экан, бу улуг ишни унинг акалари адо этди.

2000 йил август ойида бир гуруҳ террорчилар Сурхондарё вилоятининг Сарийосиё ва Узун туманлари тоғли қишлоқларига бостириб киришди. Тиш-тирноғигача қуролланган тўдалар ҳеч кимга шафқат қилмас эди. Ватан ҳимоясига отланган мард ўғлонларимиз қисқа вақт ичида тартибли жанговар ҳаракатларини бошлаб юбордилар. Улар орасида лейтенант Бобур Ғаниев ҳам бор эди.

Ҳарбий вертолётлардан берилган шиддатли зарбалар душманин саросимага солиб қўйди. Худудни тозалаш жараёнида гуруҳ командирининг ўринбосари лейтенант Бобуржон Ғаниев берилган вазифани ўта ҳушёрлик билан бажарар эди. Террорчилар пистирмасини сезган Бобуржон тезкор қарор қабул қилиб, кулай позицияни эгаллади ва сафдошлари билан жангга кириб, бир нечта жангарини ер тишлатди.

...Тушдан сўнг ҳарбийларимиз Киштут дараларидан бирини назоратига олди. Тоғларда қош қорайган бўлса-да, қуноқ оқшом чўқмасидан аввал дарани синчков кўздан кечириш ҳақида буйруқ келди. Лейтенант Бобур Ғаниев кўл остидаги гуруҳ билан ҳар бир қоя, ўнгирни диққат билан кўздан кечириб бошлади.

Тун шундай сокин эдики, ногоҳ бу осойишталик юракни ғашлар эди. Қоялар орасига пистирма кўйган душман тўсатдан ўт оча бошлади. Ҳавони кетма-кет шарақлаган автомат овози ва порох хиди тўтди. Ўқ йўлига ғов бўлган лейтенант оғир ярадор бўлишига қарамай, қуролдошлари хавфсиз жойга ўтунига қадар бор кучи билан жангариларга қаршилик кўрсатди...

Жангдан-да кучли дўстлик...

Бобуржон олдинга олға борди. Орқада Маъруфжон исми самарқандлик йигит йўлдош эди. Иккиси ҳам сон суягидан яраланган, оғриқ кучайиб борар эди. Бобуржон командирга рақия орқали мурожаат қилиб, тиббий ёрдам сўрашга мажбур бўлди. Қаҳрамон исми фельдшер воқеа жойига етиб келиб, бир аҳволда ётган Маъруфжонга ёрдам кўрсатмоқчи бўлди, аммо у унамади. "Аввал Бобуржонга ёрдам бер, у жангарилар билан ҳамон жанг қиляпти, мен бир амаллайман", дейди. Фельдшер паналаб Бобуржон томон кетди. Уни текисроқ ерга ётқизиш учун тизза чўкиб, озгина судраб борди. Муолажаларни бошлар чоғи эса душман снайперда уни аниқ нишонга олди. Қаҳрамон шундоққина ярадор пойида жон берди. Ҳам жисмоний, ҳам руҳий зарбага учраган йигит ўша заҳоти рақия орқали команди билан боғланиб, ахборот берди: — Ўртоқ командир, бизга бошқа ёрдамчи куч юборманг, улар кўпчилик, йигитлар беҳуда ўлиб кетмасин... кўл остидаги одамларни дарҳол олиб кетинг...

— Бу воқеани ўғлимнинг гуруҳ команди айтиб берган эди, — деди-ю, ая йиғлаб юборди. Уни ўзимча юпатаман.

— Барака толсин ўша командири, ҳалиям ўзини айбдор сезар экан. Унгаям осон бўлмаган...

Командирнинг айтганлари кўз олдимдан ўтди:

"Ўша воқеадан кейин ҳар тонгда юз-кўлимни ювиш учун ойна олдиға яқинлашар эканман, Бобуржон кўзимга кўринади. Биз ўша ерда туриб, унга ёрдам беролмадик. Ичим эзилади. У тунги 2 гача жанг олиб борди. Тунги 2 гача унинг қуроли "тилга кирди". Унинг тирикчилигини, бор мадорича душманга қарши жанг қилаётганини сезиб турдик. Автомат овози ўчди, юракка дунёни бузгудек титроқ кирди".

...2000 йил. Лейтенант Бобуржон Ғаниевнинг хонадони. Одам гавжум. Бир чеккада хомуш ўтирган басавлат киши Мунаввара аянинг эътиборини тортди. Ўғлидан унинг кимлигини сўради: — Мудофаа вазиримиз, она — деди ўғил. Ая унга яқинлашди. Ҳол-аҳвол сўрашди...

Кейинчалик Тошкентга қайтган вазир Баҳодиржонга шундай деган экан: — Сизлардаги мардлик, тантилик кимдан ўтган десам, онангиздан экан. Шундай оғир вазиятда ҳам аянгиз мен билан келиб сўрашди. Очиғи, пагонимни юлиб, қўлимга берса керак деб ўйловдим. Чунки фарзанд доғи аччиқ. Уларга қойил қолдим, — деган экан.



Мунаввара ая узоқ йиллик педагог. Инсон қачондир бу дунёдан кўз юмишини, омонатини эгасига топширишини яхши тушунади. У гоҳида ўғлининг тоғу тошда яшириниб ўтирмаганидан ғурурга тўлади. Берган тарбиясидан шодланади.

— Ҳа, террорчилар билан жангга бежиз уни олиб боришмаган. Чунки ўғлим душманларни юртимиздан ҳайдаб чиқармагунча тинчимасди. Ахир ўйланг, тоғлар ораси, жон сақлайман деса жой кўп. Аммо у саккиз жойидан ўқ еди. Нима бўлса ҳам болам ўз вазифасини бажарди. Ватанига, оиласига, номига хиёнат қилмади.

Аянинг ҳар бир сўзини ёзишга уринаман:

— Ўғлим Баҳодиржон ҳам ўша гуруҳда эди, — дейди у. — Унга ярадорларни олиб чиқиш юклатилган эди. Унинг айтишича, уч кунгача ўша дарага кириб бўлмаган. Террорчилар қаттиқ туришган. Шундан кейин ўғлим офицерлик формасини ечиб, аскар кийимида автомат билан тоққа чиқиб кетган. У 4 метр баландиқдаги Киштут арчазорлари, ўт-ўланлар, тоғ-тошлардан эмаклаб, беш офицерни олиб чиқишни удалади.

Аммо у ҳануз Бобуржон учун ўзини айбдордек ҳис қилади. Аслида бу тақдир эканини айтиб, уни юпатаман.

Юракдаги муҳаббат...

Оила катталарининг ризиолигида 23 ёшли Бобуржон унаштирилиб, ўзи кўнгил берган бир қизга расм-русумларга кўра "оқ кийди" қилинган. Ҳатто тўй куни ҳам аниқ эди...

Аянинг айтишича, Бобуржон у қиз билан учрашиб, гаплашиб юрмаган. Ўқиш жойида аввалдан таниб-билиб юрса-да, иш бўйича бир-икки "справка" сўрашдан нарига ўтмаган.

— Ўғил бола деган ҳеч бўлмаса қизнинг расмини олиб юрмаймиди, — деганим таъсир қилган чоғи, ўзининг журъати етмай, бир ўртоғига узоқдан бўлса ҳам қизнинг суратини олиб беришни илтимос қилган экан. Ўша суратни менга кўрсатган эди. Буни эслаш оғир...

Бобуржоннинг чўнтагидан чиққан нарсаларни шундайлигича сақлаб келаман. Мана, ўзингиз кўринг.

Музейда у билан боғлиқ барча нарсаларни кўздан кечирдим. Ҳатто унинг ўз кўли билан

ёзган таржимаи ҳоли, гўзал ҳусниҳати, хориж тилларини ўрганишга бўлган қизиқиши ҳам унинг ҳаётга бўлган муҳаббатидан сўзлар эди.

— У ўзи бошқача бола эди, — дейди Мунаввара ая. — Кичик еримиз бор эди, райхон экиб қўярдим. Узоқда бўлса ҳам келиб, ерни чопиб, эгат олиб бериб кетарди. Эсимда, ер чапаётганда бир ўртоғининг отаси ўтиб қолгани хабарини эшитди. "Эҳ" деди-да, кетмонни жаҳл билан улоқтирди.

— Ҳа, Бобуржон, нима бўлди? — дейман шошиб.

— Ўртоғимнинг дадаси Алижон тоғам ўтиб қолибди...

У дўсти ёнида бўлди. Марҳумни тупроққа қўйиб, эл билан қайтди. Шундай оқибатли эди ўғлим...

Президентга мактуб

Мунаввара ая сўзида давом этади.

— 2000 йилнинг сентябри. Олий Мажлисининг IX сессиясида Биринчи Президент Ислоҳ Каримов сессия минбаридан туриб уларга йўллаган мактубимдан парча ўқиб берди. Унда шундай ёзган эдим:

"Менинг болам кўча-кўйда безорилик қилиб, муштлашиб, бировнинг молига тажовуз қилиб ўлгани йўқ! Менинг фарзандим Ватан ҳимояси учун жон фидо қилди. Мен ундан мингдан-миг розиман, берган оқ сўтумга розиман. Яна икки ўғлим ҳам ҳарбий. Уларни ҳам юртимиз тинчлигини ҳимоя қилиш учун чегарага юборишга тайёрман!.."

Шундоққина у кишининг ёнларида эдим. Президентнинг кўзлари ёшланди, чўнтагидан дастурмош олиб, кўз ёшларини артар экан: "Мен бундай Она олдида таъзим қиламан", деди.

Дарвоқе, Бобуржон яшаган хонадонда уй-музей ташкил этилиб, ёдгорлик лавҳаси ўрнатилган. Кўчага Бобуржон Ғаниев номи берилган.

У Ўзбекистон Республикаси Биринчи Президентининг 2000 йил 25 августдаги фармонида мувофиқ II даражали "Шон-шараф" ордени билан мукофотланган.

Қаҳрамон йигитни сўнги йўлга кузатиш учун бутун шаҳар, вилоят ва пойтахтдан одамлар келди. Уни яқиндан билувчи, танигучи дўстлари жам бўлди. Қабристонгача ҳамма пишчираб уни хотирлади, ҳаққиға дуо қилди.

Қуролдошларининг гувоҳлик беришича, Бобуржон оғир яраланган бўлса-да, сўнги нафасигача босқинчилар билан курашди. У чин маънода ҳарбий хизматчилар, ёшлар олдида ҳақиқий мардлик намунасини кўрсата олди.

Кўз олдимда сўнги манзилдаги манзаралар гавдаланар экан, қаҳрамон йигит ўз халқи қўлида қалқиб-қалқиб борарди. Унинг қайноқ вужуди, меҳри, туйғулари шу тупроқда мангу қўним топди. Руҳи шу овоз Ватанни кезиб юргандай кўринди.

Тилимда айланаётган шеър унинг ҳаёти ифодасига айланди:

...Аммо курашларда қурбонлик расм,
Сени ташлаб кетса,
Сен севган ҳаёт,
Минг битта тобутда
танинг ётмасин,
Дўстларинг кўтарган
Бир тобутда ёт.

Бобур ЭЛМУРОДОВ,
журналист

РЕКЛАМА

"Ипотека банк" АТИБ Хоразм
вилоят филиали жамоаси

**Иккинчи жаҳон уруши қатнашчилари
ва меҳнат фахрийларини**

**Хотира ва
қадрлаш куни**

билан қутлайди!

БУХОРО НЕФТНИ ҚАЙТА ИШЛАШ ЗАВОДИ ЖАМОАСИ

Юртимизда истиқомат қилаётган Иккинчи жаҳон уруши
қатнашчилари ва фронт орти меҳнат фахрийларини

9 май — Хотира ва қадрлаш куни

умумхалқ байрами билан табриклайди!

Асрий анъана ва қадриятларимиз бардавом бўлсин!

Хотира — муқаддас

ИБРАТЛИ ҲАЁТ ЙЎЛИ

Инсонни дастлаб ота-онаси парвариш қилади, тарбия беради. Улғайгандан сўнг у яна бир қанча тарбиячи, ўқитувчи, мураббий сабоғини олади. Ҳаётда ўз ўрнига эга бўлиши, жамиятга қандай хизмат қилишини белгилашида устознинг ўрни беқиёс. Инсонга унинг устози кимлигига қараб ҳам баҳо бериш мумкин. Чунки у шу устозидан билим олган, ҳаёт сабоқларини ўрганган. Истеъдоднинг илк куртакларини ҳис қилган, англаган устоз шогирдининг униб-ўсиши, жамиятда ўз ўрнига эга бўлишига сабаб бўлади.



Устозим — Ўзбекистон Республикаси фан арбоби, академик Азиз Қаюмов ана шундай инсон эди.

Азиз Қаюмов 1979 йили ЎзФА Қўлэмалар институтига раҳбар бўлиб келганида у кишига илмий котиба эдим. Институтида таҳсил олган чоғларимда Азиз Қаюмовни дарсликлар, китоблар, илмий мақолалари орқали билган бўлсам, энди у кишини мураббий, жонкуяр раҳбар, камтарин ва зукко олим сифатида таний бошладим. Домла ортиқча дабдабани ёқтирмайдиган, беғараз, меҳнатсевар ва ҳаракатчан

бўлгани боис ёшлардан ҳам ана шундай бўлишини истар, бундай ёшларни тарбия қилиб чарчамайди-ган олийжаноб инсон эди. У кишида баркамол инсонга хос барча фази-лат мужассам эди, десам муболаға бўлмайди. Қўлэмалар институтида фаолият бошлаганида қўл-остидаги ходимларнинг қадимий қўлэмза манбаларни ўқиб-ўрганишлари билан бир қаторда ёзувининг ҳам хушчиroy бўлишига эътибор қаратди: институт қошида хаттотлик курси ташкил қилиниб, унда илмий ходимлар ҳуснихат билан шуғуллана бошладилар.

Кўпчилик қатори шу гуруҳда илк бор қамиш қаламни қўлга тутиб ҳус-нихат машини бошладим. Домла хатларимизни синчиклаб текшириб, кузатиб борарди. Бир куни устоз айрим ғазалларни қамиш қалам билан кўчиришимни таклиф қилди. Биламан, гарчи жуда чиройли бўл-маса-да, машқларимни кўриб шун-дай руҳлантирилди, ёзган сайин ёзгин келади. Дастлаб домла тадқиқ қилаётган Алишер Навоийнинг "Вақ-фия" сўнг "Муножот" ва "Муҳокамат ул-луғатайн" асарларини баҳоли

қудрат кўчирдим. Бу ишларнинг барчаси бевосита Азиз Қаюмов раҳбарлигида амалга оширилди.

Устоз менга Алишер Навоийнинг "Арбаин", "Назм ул-жавоҳир" асар-лари илмий-танқидий матни мав-зусида номзодлик иши қилишимни маслаҳат берди. Қўлэмалар билан ишлаш, қийслаш, матннинг ишонч-ли, тўғри вариантларини танлаш, ҳатоларни қандай аниқлаш усул, йўл-йўриқларини ўргатди. "Арба-ин", "Назм ул-жавоҳир" асарининг бир неча қўлэмза асосидаги мат-нини домла ҳар куни соатлаб вақт ажратиб мисрама-мисра, сўзма-сўз, ҳарфма-ҳарф синчиклаб текширар-ди. Шу билан бирга бизга жуда кўп маслаҳат, ҳаётий тажрибаларидан сабоқлар берарди. У киши раҳбар-лигида Алишер Навоийнинг "Назм ул-жавоҳир" асари юзасидан фан номзодлиги илмий ишини еқладим. Шунингдек, домланинг таклифи билан 1991 йил Алишер Навоий таваллудининг 550 йиллиги муноса-бати билан Парижда босилган шoir китобининг хаттотлик кўчирмасини ҳам амалга оширдим. Навоий ашъ-оридан "Бир юз бир ғазал"ни на-стаълиқ хати билан кўчириб нашрга тайёрладим. "Алишер Навоий "Назм ул-жавоҳир" асарининг матний тадқиқоти" номли монографиям чоп этилди. Бу ишларнинг рўёбга чиқиши, нашр этилишида домла бе-восита устозлик қилди, кўмак берди.

Азиз Қаюмов манбашунослик ва матншунослик илмининг тараққи-ёти, айниқса, навоийшуносликнинг

келажагини янада мустаҳкамлаш, фаннинг истиқболини яратиш ҳу-сусида кўп қайғулар, ёшларни шу руҳда тарбиялаб вояга етказишга эътибор қаратарди. Илмий-адабий жамоатчилик олдида турган муҳим вазибалардан бири ҳам Навоий асарларининг қадимий, нодир қўл-эмза нусхаларини қийсий ўрганиб, ишончли, мукамал, тўлиқ ҳамда бе-хато матнларини яратишдан иборат эди. Азиз Қаюмов илмга ихлоос қўй-ганларни қўллаб-қувватлар, илмий кенгашларда доим уларга ён бериб, айрим эгри кўнгилли олимларнинг чалғитувчи даъволарини далиллар билан кескин рад этарди. Устозда ёшларни бошлаган ишини қатъий давом эттиришга руҳлантира олиш ҳислати бор эди. Домла илм дарё-сидан барча инсоннинг баҳраманд бўлишини истарди, тадқиқотчилар-нинг кўзлаган мақсадига эришишга ҳолис ёрдам берарди. У кишининг ибратли ҳаёт йўли бизга ҳаммиша ўрнак, намунадир. Азиз Қаюмовни таниган, билган, суҳбатига мушар-раф бўлган ҳар қандай инсон у кишини ҳурмат ва эъзоз билан тилга олади. Хусусан, ўзим ҳам шундай бағрикенг, меҳрибон, камтарин ҳамда доно устозга шогирд бўлган-лигимдан фахрланаман.

Маъмура РАШИДОВА,
Ўзбекистон Фанлар академияси
Алишер Навоий номидаги
Адабиёт музейи катта илмий
ходими, филология
фанлари номзоди

Эъзоз

Президентимизнинг "Иккинчи жаҳон уруши қат-нашчиларини рағбатлантириш тўғрисида"ги фар-мони фахрийларга бўлган чексиз ҳурмат-эътибор, кўрсатилаётган ғамхўрликнинг ёрқин ифодасидир. Мазкур фармонга мувофиқ бу йил ҳам кенг жамоат-чилик вакиллари иштирокида уруш қатнашчилари ва меҳнат фронти фахрийларининг руҳи ва кайфиятини кўтарадиган байрам тадбирлари ташкил этилмоқда.

ФАҲРИЙ ЖУРНАЛИСТЛАР
РАҒБАТЛАНТИРИЛДИ

Хусусан, Ўзбекистон Журналистлари ижодий уюшмаси ҳамда Ўзбекистон ижодкорларни қўллаб-қувватлаш "Илҳом" жамоат фонди томонидан бир гуруҳ фахрий журналистлар учун байрам дастурхони ёзилиб, пул мукофотлари ҳамда совғалар топширилди. Тадбирда ижодкор нурунийлар буғунги тинч-осойишта ҳамда фаровон ҳаётимизга шукроналар айтиб, давлатимиз раҳбари томонидан қалам аҳлига кўрсатилаётган эътибор учун миннатдорлик билдиришди.

— Ешим тўқсон саккизда бўлса-да, лекин ҳали бардам-ман, мақола ёзишдан, ижоддан тўхтаганим йўқ, — дейди фахрий журналист Фарида Усмонова. — Журналист учун ҳақ сўзни айтадиган, енг шимариб ишлайдиган кунлар келди. Сўнгги уч йилда оммавий ахборот воситаларини эркинлаштириш бўйича жуда кўп иш қилинди. Ҳар бай-рамда хонадонимиз шогирдларим билан тўлиб кетади. Улар бот-бот йўқлаб, ҳол-аҳвол сўраб келадилар. Бундай эътиборни кўриб, журналистика касбини танлаганим, умрим зое кетмаганига шукр қиламан. Ҳар қадамда ғамхўрлик, ҳурмат-эътибор, иззат-икромни ҳис қилиб яшаймиз. Бугун нафақат уруш қатнашчилари, балки Ватанимиз озодлиги, мустақиллигимиз йўлида курашган барча юртдошларимиз хотираси ёдга олинмоқда. Биз каби меҳнат фахрийларига эътибор ва ғамхўрлик кўрсатилмоқда. Уюшмамиз бизни ҳар йили ушбу байрам арафасида тўплайди. Ҳамкасбларимиз билан дейдорлашиб, гурунглашамиз. Очиги, бундай эъзоз-эътибордан кўнглимиз тоғдек кўтарилди. Кексаларни қадр-лаган юрт ҳеч қачон кам бўлмайди.

Ўз мухбиримиз

"Қарши ёғ-мой экстракция заводи"
АЖ жамоаси

Барча юртдошларимизни

9 май — Хотира
ва қадрлаш куни

билан самимий табриклайди.

РЕКЛАМА!

Ўзаро меҳр-оқибат, яратувчанлик шижоати ҳар
биримизни асло тарқ этмасин!

ТАҲРИР ҲАЙЪАТИ: Сарвар ОТАМУРАТОВ, Илҳом АБДУЛЛАЕВ, Абдуғафур МАМАТОВ, Феруза МУҲАММАДЖОНОВА, Амридин БЕРДИМУРОДОВ, Аҳмад САИДОВ, Алишер ҚОДИРОВ, Ортиқали ҚОЗОҚОВ, Мухаммадjon ҚУРОНОВ, Исмат ХУДОЕВОВ

Бош муҳаррир: Беҳзод НОРБЕКОВ

ТАҲРИРИЯТ МАНЗИЛИ: Тошкент-100000, Амир Темури кўчаси, 1-тор кўча, 2-уй

Газета таҳририят компьютер марказида терилди ва саҳифаланди

ТЕЛЕФОНЛАР: (0-371) Кабулхона (факс): 234-69-55, Парламент ва партия ҳаёти бўлими: 234-01-47,

Маданият, туризм ва ҳалқаро ҳаёт бўлими: 234-86-41, Маънавият, маърифат ва ахборот бўлими:

234-87-73, Бош муҳаррирнинг биринчи ўринбосари: 234-87-74, Бухгалтерия: 234-87-73.

Ҳажми 4 босма табоқ офсет усулда босилди. Қоғоз бичими А-2

"ШАРҚ" нашриёт-матбаа акциядорлик компанияси босмахонасида чоп этилди.

Корхона манзили: "Буюк Турун" кўчаси, 41-уй

Газета ҳафтанинг чоршанба куни чиқади. 2008 йил 29 октябрда Ўзбекистон Матбуот ва ахборот агентлиги томонидан № 0223 рақами билан рўйхатдан ўтган.

Буюртма — Г 526, Адади — 2641. Газетанинг баҳоси келишилган нарҳда.

Навбатчи муҳаррир: Эркин ДОРИПОВ

Навбатчи: Дилфуза МАҲКАМОВА

Саҳифаловчи: Жалопиддин УРИНОВ

Электрон почта: e-mail: gazeta@mt.uz,

mtiklanish@mail.ru

Босишга топшириш вақти — 21.30.

Топширилди — 23.30. ЎзА яқини — 22.15

ISSN 2010-7714

1772010771003

1 2 3 4 5



MILLIY TIKLANISH

МУАССИС: ЎЗБЕКИСТОН "МИЛЛИЙ ТИКЛАНИШ" ДЕМОКРАТИК ПАРТИЯСИ